

摘藻堂四庫全書薈要

集部

欽定四庫全書薈要

集部

御定全唐詩卷十九

欽定四庫全書薈要卷一萬七千四百二十四集部

御定全唐詩卷十九

相和歌辭

相和舊曲絲竹更相和執節者歌本一部魏明帝分為二晉謂之清商三調唐

書樂志曰平調清調瑟調皆周房中曲之遺聲又有楚調側調楚調者漢房中樂也側調者生於楚調與前三調總謂之相和凡相和其器有笙笛節鼓琴瑟琵琶箏七種

笙篴引

李賀相和有四引一曰笙篴引二曰商引三曰徵引四曰羽引古有六引其

宮引角引二曲闕宋唯笙篴引有辭梁具五引有歌有辭

公乎公乎提壺將焉如屈平沈湘不足慕徐衍入海誠



為愚公乎公乎牀有管席盤有魚北里有賢兄東鄰有
小姑隴畝油油黍與葫瓦甌濁醪蟻浮浮一作瓦甌濁酒醪蟻浮黍可
食醪可飲公乎公乎其柰居被髮奔流竟何如賢兄小
姑哭鳴鳴

公無渡河

李白一
曰瑩篴引

黃河西來決崑崙咆吼

集作哮

萬里觸龍門波滔天堯咨嗟

大禹理百川兒啼不窺家殺湍湮洪水九州始蠶麻其
害乃去茫然風沙被髮之叟狂而癡清晨徑集作臨流欲奚

為旁人不惜妻止之公無渡河苦渡之虎可搏河難憑
公果溺死流海渚有長鯨白齒若雪山公乎公乎挂骨
於其間篋篋所悲竟不還

同前

王建

渡頭惡天兩岸遠波濤塞川如疊坂幸無白刃驅向前
何用將身自棄捐蛟龍齧屍集作骨魚食血黃泥直下無青
天男兒縱輕婦人語惜君性命還須取婦人無力挽斷
衣舟沈身死悔難追公無渡河公集有須字自為

同前

溫庭筠

黃河怒浪連天來大響咄咄如殷雷龍伯驅風不敢上
百川噴雪高崔嵬二十五集作弦何太哀請公勿渡立
裏回下有狂蛟鋸為尾裂帆截擢磨霜齒神錐鑿石塞
神潭白馬趨趨赤塵起公乎躍馬揚玉鞭滅沒高蹄日
千里

同前

王叡

濁波洋洋兮凝曉霧公無渡河兮公苦

集作竟

渡風號水激

兮呼不聞提壺看入兮中流去浪擺衣裳兮隨步沒沈
屍深入兮蛟螭窟蛟螭盡醉兮君血乾推出黃沙兮泛
君骨當時君死妾何適遂就波瀾合魂魄願持精衛銜
石心窮取河源塞泉脈

江南曲

宋之問

妾住越城南離居不自堪採花驚曙鳥摘葉餒春蠶嬾
結茱萸帶愁安璫瑁簪侍臣

集作
待君

消瘦盡日暮碧江潭

同前

劉昫

美人何蕩漾湖上風月

集作日

長玉手欲有贈裴回雙鳴

明集作

璫歌聲隨淶水怨色起朝

集作青

陽日暮還家望雲

波橫洞房

同前

丁仙芝

長干斜路北近浦是兒家有意來相訪明朝出浣紗發
向橫塘口船開值急流知郎舊時意且請攬船頭昨暝
逗南陵風聲波浪阻入浦不逢人歸家誰信汝未曉已
成妝乘潮去茫茫因從京口渡使報邵陵王始下芙蓉

樓言發琅邪岸急為打船開惡許傍人見

集作截
句五首

同前八首

劉希夷

暮宿南洲草晨行北岸林日懸滄海闊水隔洞庭深
煙景無留意風波有異尋歲遊難極目春戲易為心
朝夕無榮遇芳菲已滿襟

豔唱潮初落江花露未晞春洲驚翡翠朱服弄芳菲
畫舫煙中淺青陽日際微錦帆衝浪溼羅袖拂行衣
含情罷所采相歎惜流暉

君為隴西客妾遇江南春朝遊含靈果夕采弄風蘋果
氣時不歇蘋花日自新以此江南物持贈隴西人空盈
萬里懷欲贈竟無因

皓如楚江月靄若吳岫雲波中自皎鏡山上亦氛一作氣氲

明月留照妾輕雲持贈君山川各離散光氣乃殊分天

涯一為別江北自集作不相聞

艤舟乘潮去風帆振草涼潮平見楚甸天際望維揚泗
沂經千里煙波接兩鄉雲明江嶼出日照海流長此中

逢歲晏浦樹落花芳

暮春三月晴維揚吳楚城城臨大江汜迴映洞浦清晴
雲曲金閣珠樓碧煙裏月明芳樹羣鳥飛風過長林雜
花起可憐離別誰家子於此一至情何已

北堂紅草盛丰茸南湖碧水照芙蓉朝遊暮起金花盡
漸覺羅裳珠露濃自惜妍華三五歲已歎闕山千萬重
人情一去無還日欲贈懷芳怨不逢

憶昔江南年盛時平生怨在長洲曲冠蓋星繁湘一作江水

上衝風標落洞庭淥落花舞袖紅紛紛朝霞高閣洗晴
雲誰言此處嬋娟子珠玉為心以奉君

同前

于鵠

偶向江邊采白蘋還隨女伴賽江神衆中不敢分明語
暗擲金錢卜遠人

同前

李益

嫁得瞿塘賈朝朝誤妾期早知潮有信嫁與弄潮兒

同前

李賀

汀洲白蘋草柳憚乘馬歸江頭植樹香岸上蝴蝶飛酒
杯若葉露王軫蜀桐虛朱樓通水陌沙暖一雙魚

同前

李商隱

郎船安兩漿儂舸動雙橈埽黛開宮額裁裙約楚腰垂
期方積思臨醉欲拚嬌莫以采菱唱欲羨秦臺簫

同前

韓翃

長樂花枝雨點消江城日暮好相邀春樓不閉歲蕤鎖
綠水回通宛轉橋

同前

溫庭筠

妾家白蘋浦日上芙蓉檝
軋軋搖槳聲移舟入茭葉
溪長茭葉深作底難相尋
避郎郎不見鷗鷺自浮沈
拾萍萍無根采蓮蓮有子
不作浮萍生寧作集作藕花死岸傍

騎馬郎烏帽紫游韁含愁復含笑
回首問橫塘妾住金

陵步

集作浦

門前朱雀航流蘇持作帳芙蓉持作梁
出入金

犢幘兄弟侍中郎前年學歌舞定得郎
相許連娟眉繞山依約腰如杵
鳳管悲若咽鸞弦嬌欲語
扇薄露紅鈿

羅輕壓金縷明月西南樓珠簾瑤瑁鉤橫波巧能笑彎
蛾不識愁花開子留樹草長根依土早聞金溝遠底事
歸郎許不學楊白花朝朝淚如雨

同前

張籍

江南人家多橘樹吳姬舟上織白紵土地卑溼饒蟲蛇
連木為牌入江住江村亥日長為市落帆渡橋來浦裏
青莎覆城竹為屋無井家家飲潮水長江午日酤春酒
高高酒旗懸江口倡樓兩岸懸水柵夜唱竹枝留北客

江南風土歡樂多悠悠處處盡經過

同前

羅隱

江煙溼雨鮫綃軟漠漠遠山眉黛淺水國多愁又有情
夜槽壓酒銀船滿綳絲採怨

集作細柳搖烟

凝曉空吳王臺榭春

夢中鴛鴦鷺鷥喚不起平鋪淥水眠東風西陵路邊月

悄悄油壁輕車嫁蘇小

集作香車蘇小小

同前

陸龜蒙

為愛江南春涉江聊采蘋水深煙浩浩空對雙車輪車

輪明月團車蓋浮雲盤雲月徒自好水中行路難遙遙
洛陽道夾岸生春草寄語擢船郎莫誇風浪好

同前

陸龜蒙 廣
古辭為五解

魚戲蓮葉間參差隱葉扇鵲鵲窺潏澹無因見
魚戲蓮葉東初霞射紅尾傍臨謝山側恰值清風起
魚戲蓮葉西盤盤舞波急潛依曲岸涼正對斜光入
魚戲蓮葉南欹危午煙疊光搖越鳥巢影亂吳娃櫂
魚戲蓮葉北澄陽動微漣回看帝子渚稍背鄂君船

度關山

李端

雁塞日初晴胡

集作孤

關雪復平危竿

集作樓

緣廣漠古竇傍長

城拔

集作拂

劍金星出彎弧玉羽鳴誰知係虜者賈誼是書

生

關山曲

馬戴

金鎖

集作甲

耀兒登黃雲

集作金

拂紫騮叛羌旗下戮陷壁夜中

收霜霰戎衣故關河磧氣秋箭創殊未合更遣擊蘭州

火發龍山北中宵易左賢勒兵臨漢水驚雁散胡天木

落防河急軍孤受敵偏猶聞漢皇怒按劒待開邊

登高丘而望遠

李白

登高丘而

集無而字

望遠海六黿骨已霜三山流安在扶桑半

摧折白日沈光彩銀臺金闕如夢中秦皇漢武空相待
精衛費木石鼃鼃無所憑君不見驪山茂陵盡灰滅牧
羊之子來攀登盜賊劫寶玉精靈竟何能窮兵黷武今
如此鼎湖飛龍安可乘

蒿里

僧貫休

兔不遲烏更急但恐穆王八駿著鞭不及所以萬里墳
出叢叢氣凌雲天龍騰鳳集盡為風消土喫狐掇蟻拾
黃金不啼玉不泣白楊騷屑亂風愁月折碑石人莽穢
榛沒牛羊窳宰時見牧童兒弄枯骨

輓歌

趙微明

寒日蒿上明淒淒郭東路素車誰家子丹旄引將去原
下荊棘叢叢邊有新墓人間痛傷別此是長別處曠野
何蕭條青松白楊樹

同前二首

于鵠

陰風吹黃蒿，輓歌渡秋水。
車馬却歸城，孤墳月明裏。
雙轍出郭門，縣縣東西道。
送死多於生，幾人得終老。
見人切肺肝，不如歸山好。
不聞哀哭聲，默默安懷抱。
時盡從物化，又免生憂擾。
世間壽者稀，盡為悲傷惱。

同前

孟雲卿

草草門巷喧塗車，儼成位冥寞。
何所須盡我生人意，北邙路非一作不遠。
此別終天地，臨穴頻撫棺。
至哀反無淚，爾

形未衰老爾息猶

集作

童穉骨肉不

一作安

可離皇天若容易

房帷即虛張

集作

庭宇為哀次
靈帳露歌若斯人生盡如寄

同前

白居易

丹旄何飛揚素驂亦悲鳴
晨光照閭巷輜車儼欲行
蕭條九月天哀輓出重城
借問送者誰妻子與弟兄
蒼蒼上古原峨峨開新塋
含酸一慟哭異口同哀聲
舊壠轉蕪絕新墳日羅列
春風草綠北邙山此地年
年生死別

對酒

崔國輔

行行日將夕荒村古冢無人跡
朦朧集注荊棘一鳥飛屢

唱提壺酤酒喫古人不達酒不足遺恨精靈傳此曲寄

言當代諸少年平生且盡杯中滌

同前二首

李白

松子棲金華安期入蓬海此人古之仙羽化竟何在浮
生速流電倏忽變光彩天地無凋換容顏有遷改對酒
不肯飲含情欲誰待

勸君莫拒杯春風笑人來桃李如舊識傾花向我開流

鶯啼碧樹明月窺金壘昨來

集作日

朱顏子今日白髮催棘

生石虎殿鹿走姑蘇臺自古帝王宅城闕閉黃埃君若不飲酒昔人安在哉

陌上桑

李白

美女渭橋東

一作細綺衣

春還事蠶作五馬如飛龍

一作飛如花

青絲

結金絡不知誰家子調笑來相謔妾本秦羅敷玉顏豔名都綠條映素手采桑向城隅使君且不顧況復論秋胡寒蠶愛碧草鳴鳳棲青梧託心自有處但怪傍人愚

徒令白日暮高駕空踟蹰

同前

常建

翳翳陌上桑南枝交北堂美人金梯出素手自提筐非
但畏蠶飢盈盈嬌路傍

同前

陸龜蒙

皓齒還如貝色

一作光

含長眉亦似煙華貼

一作帖

鄰娃盡著繡

襦襦獨自提筐采蠶葉

采桑

郎大家宋氏

春來南雁歸日去西蠶遠妾思紛何極客遊殊未返

同前

劉希夷

楊柳送行人青青西入秦

集作誰

家采桑女樓上不勝春

盈盈灞水曲步步春芳綠紅臉耀明珠絳脣含白玉回

首渭橋東遙憐樹

一作春

色同青絲嬌落日綰綺弄春風攜

籠長歎息逶迤戀春色看花若有情倚樹疑無力薄暮
思悠悠使君南陌頭相逢不相識歸去夢青樓

同前

李彥暉

采桑畏日高不待春眠足攀條有餘愁那矜貌如玉千金豈不贈五馬空躑躅何以變真性幽篁雪中綠

同前

王建

鳥鳴桑葉間葉綠條復柔

集作綠條復柔

攀看去手近放下長長

鉤黃花蓋野田白馬少年遊所念豈回顧良人在高樓

日出行

李白

日出東方隈似從地底來歷天又入海六龍所舍安在

哉其始與終古不息

一作其行終古不息

人非元氣安能與之久裴回

草不謝榮於春風木不怨落於秋天誰揮鞭策驅四運
萬物興歇皆自然羲和羲和汝奚汨沒於荒淫之波魯
陽何德駐景揮戈逆道違天矯誣實多吾將囊括大塊
浩然與溟滓同科

同前

李賀

白日下崑崙發光如舒絲徒照葵藿心不照遊子悲折
折黃河曲日從中央轉暘谷耳曾聞若木眼不一作見柰

何

集作

鑠石胡為銷人羿彎弓屬矢那不中足令久不得

奔詎教晨光夕昏

王昭君

崔國輔 此本中朝舊曲唐為吳聲蓋吳人傳授訛變使然也 此後並吟歎曲

漢使南還盡胡中妾獨存紫臺縣望絕秋草不堪論

同前

崔國輔

一回望月一回悲望月月移人不移何時得見漢朝使
為妾傳書斬畫師

同前

盧照鄰

合殿恩中絕交河使漸稀肝腸辭玉輦形影向金微漢

宮草應綠胡庭沙正飛願逐三秋雁年年一度歸

同前 駱賓王

斂容辭豹尾緘怨度龍鱗金鈿明漢月玉箸染胡塵妝
鏡菱花暗愁睂柳葉嚬惟有清笳曲時聞芳樹春

同前 沈佺期

非君惜鸞殿非妾妬蛾睂薄命由驕虜無情是畫師嫁
來胡地惡集作日不竝漢宮時心苦無聊賴何堪上馬辭

同前 梁獻

圖畫失天真容華坐誤人君恩不可再妾命在和親淚
點關山月衣銷邊塞塵一聞陽鳥至思絕漢宮春

同前 上官儀

玉關春色晚金河路幾千琴悲桂條上笛怨柳花前霧
掩臨妝月風驚入鬢蟬絨書待還使淚盡白雲天

同前 董思恭

琵琶馬上彈行路曲中難漢月正南遠燕山直北寒髻
鬟風拂散一作亂睂黛雪霑殘斟酌紅顏盡集作改何勞鏡裏看

同前 顧朝陽

莫將鉛粉匣不用鏡花光一去邊城路何情更畫妝影
銷胡地月衣盡漢宮香妾死非關命祇一作都緣怨斷腸

同前三首 東方虯

漢道初全盛朝廷足武臣何須薄命妾辛苦遠集作事和親

拚涕

集作淚

辭丹鳳銜悲向白龍單于浪驚喜無復舊時容

胡地無花草春來不似春自然衣帶緩非是為腰身

同前三首 郭元振

自嫁單于國長銜漢掖悲容顏日顛顛有甚畫圖時

厭踐冰霜域嗟為邊塞人思從漢

集作漢

南獵一見漢家塵

聞有南河信傳聞殺畫師始知君惠

集作念

重更遣畫

集作

蛾眉

眉

同前

劉長卿

自矜妖艷色不顧丹青人那知粉纈能相負却使容華

翻誤身上馬辭君嫁驕虜玉顏對人啼不語北風雁急

浮清

一作雲

秋萬里獨見黃河流纖腰不復漢宮寵雙蛾長

向胡天愁琵琶弦中苦調多蕭蕭羌笛聲相和可憐一曲傳樂府能使千秋傷綺羅

同前二首

李白

漢家秦地月流影照

一作送

明妃一上玉關道天涯去不歸

漢月還從東海出明妃西嫁無來日燕支長寒雪作花
蛾眉顚顚沒胡沙生乏黃金枉圖畫死留青冢使人嗟
昭君拂玉鞍上馬啼紅頰今日漢宮人明朝胡地妾

同前

儲光羲

日暮驚沙亂雪飛，傷人相勸易羅衣。
強來前帳集作殿看歌舞，共待單于夜獵歸。

同前 僧皎然

自倚嬋娟望主恩，誰知美惡忽相翻。
黃金不買漢宮貌，青冢空埋胡地魂。

同前二首 白居易

滿面胡沙滿鬢風，
看銷殘黛臉銷紅。
愁苦辛勤顙頰盡，
如今却似畫圖中。

漢使却回憑寄語黃金何日贖蛾眉君王若問妾顏色
莫道不如宮裏時

同前

令狐楚

錦車天外去毳幕雲中開魏闕蒼龍遠蕭關赤雁哀

同前

張仲素

仙娥今下嫁驕子自同和劒戟歸田盡牛羊繞塞多

同前

李商隱

毛延壽畫欲通神忍為黃金不為集作人馬上琵琶行萬

里漢宮長有隔生春

明妃曲

王儼

北望單于日半斜
明君馬上泣胡沙
一雙淚滴黃河水
應得東流入漢家

昭君詞

張文琮

戒途飛萬里回首望三秦
忽見天山雪還疑上苑春
玉痕垂淚粉一作粉淚羅袂拂胡塵
為得胡中曲還悲遠嫁人

同前

陳昭

跨鞍今永訣垂淚別親賓
漢地行將遠胡關逐望新
交河擁塞路隴首暗沙塵
唯有孤明月猶能遠送人

同前

戴叔倫

漢宮若遠近路在沙塞

集作塞沙

上到死不得歸何人共南望

同前

李端

李陵初送子卿回漢月明明照帳

集作惆悵

來憶著長安舊遊

處千門萬戶玉樓臺

楚妃歎

張籍

湘雲初起江沈沈
君王遙在雲夢林
江南雨多旌旗暗
臺下朝朝春水深
章華殿前朝萬國
君心獨自終無終
極楚兵滿地能逐禽
誰用一身繼集作筋力
西江若翻雲
夢中麋鹿死盡應還宮

楚妃怨

張籍

梧桐葉下黃金井
橫架輓轡牽素綆
美人初起天未明
手拂銀餅秋水冷

王子喬

宋之問

王子喬愛神仙七月七日上賓天白虎搖瑟鳳吹笙乘
騎雲氣吸日精吸日精長不歸遺廟今在而人非空望
山頭草草露溼君衣

集作人

蜀國弦

李賀 四弦古有四曲其張女四弦李延年
四弦嚴卯四弦三曲闕止傳蜀國四弦一曲

楓香晚華靜錦水南山影驚石墜猿哀竹雲愁半嶺涼
月生秋浦玉沙鱗鱗

集作
都細

光誰家紅淚客不忍過瞿塘

長歌行

李白 此後並平調曲其器有笙
笛篳篥瑟琴箏琵琶七種歌弦六部

桃李得

集作
待

日開榮華照當年東風動百物草木盡欲言

枯枝無醜葉涸水吐清泉大力運天地義和無停鞭功
名不早著竹帛將何宣桃李務青春誰能貫白日富貴
與神仙蹉跎成兩失金石猶銷鑠風霜無久質畏落日
月後強歡歌與酒秋霜不惜人倏忽侵蒲柳

同前

王昌齡

曠野饒悲風颼颼黃

一作多

蒿草繫馬停白楊誰知我懷抱

所是同袍者相逢盡衰

一作老

況登漢家陵南望長安道

下有枯樹根上有鱗

一作鱗

鼠窠高皇子孫盡千古無人過

寶玉頻發掘精靈其柰何人生須達命有酒且長歌

短歌行

聶夷中 長歌短歌其歌聲有長短

八月木蔭

集作陰

薄十葉三墮枝人生過五十亦已同此時

朝出東郭門嘉樹鬱參差暮出西郭門原草已離披南
鄰好臺榭北鄰善歌吹榮華忽消歇四顧令人悲生死
與榮辱四者乃常期古人恥其名沒世無人知無言鬢
似霜勿謂髮

集作事

如絲耆年無一善何殊食乳兒

同前

李白

白日何短短百年苦易滿蒼穹浩茫茫萬劫太極長麻
姑垂兩鬢一半已成霜天公見玉女大笑億千場吾欲
攬六龍回車挂扶桑北斗酌美酒勸龍各一觴富貴非
所願為一作與人駐積一作流光集作顏

同前六首

顧況 英
華作三首

城邊路今人犁田昔人墓岸上沙昔時集作日江水今人家

今人昔人共長歎四氣相催節回換明月皎皎入華池

白雲離離度清霄

集作漢

我欲升天天隔霄我思渡水水無橋我欲上山山路險
我欲汲井井泉遙越人翠被今何夕獨立沙邊江草碧
紫燕西飛欲寄書白雲何處逢來客

以上二首英
華合作一首

新繫青絲百尺繩心在君家轆轤上我心皎潔君不知
轆轤一轉一惆悵

何處春風吹曉幕江南綠水通朱閣美人二八面如花
泣向東

集作春

風畏花落

臨春風聽春鳥別時多見時少愁人夜永

一作夜

不得眠瑶

井玉繩相向曉

以上三首英
華公為一首

軒轅皇帝初得仙鼎湖一去三千年周流三十六洞天
洞中日月星辰連騎龍駕景遊八極軒轅弓劍無人識
東海青童寄消息

同前

王建

人初生日初出上山遲下山疾百年三萬六千朝夜裏
分將彊半日有歌有舞間

集作須

早為昨日健於今日時人

家見生男女好不知男女催人老短歌行無樂聲

同前

張籍

青天蕩蕩高且虛，上有白日無根株。
流光暫出還入地，催我少年不須臾。
與君相逢不寂寞，衰老不復如今樂。
玉卮盛酒置君前，再拜願君千萬年。

同前二首

白居易

瞳瞳太陽如火色，上行千里下一刻。
出為白晝入為夜，圜轉如珠住不得。
住不得，可柰何？為君舉酒歌短歌。
歌聲聲苦詞亦苦，四座少年君聽取。
今夕未竟明夕催，秋風

纔往春風回人無根蒂時不駐朱顏白日相隳頽勸君
且強笑一面勸君復且集作強飲一杯人生不得長歡樂年
少須臾老到來

世人求富貴多為身

集作奉

嗜欲盛衰不自由得失常相逐

問君少年日苦學將干祿負笈塵中遊抱書雪前宿布

衾不周體藜茹

集作茹

纔充腹三十登宦

集作仕

途五十被朝服

奴溫已

集作新

挾纊馬肥初食粟未敢議歡遊尚為名檢束

耳目聾暗後堂上調絲竹牙齒缺落時盤中堆酒肉彼

來此已去外餘中不足少壯與榮華相避如寒燠青雲
去地遠白日終集作經天速從古無柰何短歌聽一曲

同前

陸龜蒙

爪牙在身上陷穽猶可制爪牙在胃中劒戟無所畏人
言畏猛虎誰是撩頭斃祇見古來心姦雄暗相噬

同前

僧皎然

古人若不死吾亦何所悲蕭蕭煙雨九原上白楊青松
葬者誰貴賤同一塵死生同一指人生在世共如此何

異浮雲與流水短歌行短歌無窮日已傾鄴宮梁苑徒
有名春草秋風傷我情何為不學金仙侶一悟空王無
死生

銅雀臺

王無競

北登銅雀上西望青松郭總帳空蒼蒼陵田紛漠漠平
生事已變歌吹宛猶昨長袖拂玉塵遺情結羅幕妾怨
在朝露君恩豈中薄高臺奏曲終曲終淚橫落

同前

鄭愔

日斜漳浦望風起鄴臺寒玉座平生晚金尊妓吹闌舞
餘依帳泣歌罷向陵看蕭索松風暮愁煙入井闌

同前

劉長卿

嬌愛更何日高臺空數層含啼映雙袖不忍看西陵漳
河東流無復來百花輦路為蒼苔青樓月夜長寂寞碧
雲日暮空裊回君不見鄴中萬事非昔時古人何集在在
今人悲春風不逐君王去草色年年舊宮路宮中歌舞
已浮雲空指行人往來處

同前

賈至

日暮銅雀靜西陵
鳥雀歸撫弦心斷絕
聽管淚霏霏靈
几臨朝奠空牀
卷夜衣蒼蒼川上月應照
妾魂飛

同前

羅隱

強歌強舞竟難勝
花落花開淚滿繒
祇合當年伴君死
免教顛顚望西陵

同前

薛能

魏帝當時銅雀臺
黃花深映棘叢開
人生富貴須回首

此地豈無歌舞來

同前 張氏琰

君王冥冥不可見
銅雀歌舞空裴回
西陵嘖嘖悲宿鳥

空集作高

殿沈沈閉青苔
青苔無人跡紅粉空相集作白哀

同前 梁氏瓊

歌扇向陵開
齊行奠玉杯
舞時飛燕列
夢裏片雲來
月色空餘恨
松聲暮更哀
誰憐未死妾
掩袂下銅臺

銅雀妓 王勃

妾本深宮妓，曾城閉九重。君王歡愛盡，歌舞為誰容。錦
衾不復襪，羅衣誰再縫。高臺西北望，流涕向青松。

金鳳鄰銅雀，漳河望鄴城。君王無處所，臺榭若平生。舞

筵紛可

集作何

就歌梁儼未傾。西陵松檟冷，誰見綺羅情。

同前

沈佺期

昔年分鼎地，今日望陵臺。一旦雄圖盡，千秋遺令開。綺
羅君不見，歌舞妾空來。恩共漳河水，東流無重迴。

同前

喬知之

金閣惜分香
鈿華不重妝
空餘歌舞地
猶是為君王
哀

弦調已絕艷
曲不須長共
看西陵暮秋
煙生集作起白楊

同前

王適

日暮銅雀迴
幽聲一作深玉座清
蕭森松柏望
委鬱綺羅情

君恩不再重
一作得妾舞為誰輕

同前

歐陽詹

蕭條登古臺
回首黃金屋
落葉不歸林
高陵永為谷
妝

容徒自麗舞
態閱誰目惆
悵總帷前集作空歌舞苦於哭

同前 袁暉

君愛本相饒從來事

一作似

舞腰那堪攀玉座腸斷望陵朝

怨著情無主哀凝曲不調
況臨松日暮悲吹坐蕭蕭

同前 劉商

魏主矜蛾眉美人美於玉
高臺無晝夜歌舞竟未足
盛

色如轉圜夕陽落深

一作空

谷仍令身歿後尚足

集作縱

平生慾

紅粉橫淚痕

集作淚縱橫

調弦空向

集作空向

屋舉頭君不在唯見西

陵木玉輦豈再來嬌鬟為誰綠
那堪秋風裏更舞陽春

曲曲終

一作罷

情不勝闌干向西哭臺邊生野草來去翳羅

縠況復陵寢間雙雙見麋鹿

同前

李賀

佳人一壺酒秋容滿千里石馬臥新煙憂來何所似歌聲且潛弄陵樹風自起長裾壓高臺淚眼看花机

同前

吳燭

秋色西陵滿綠蕪繁弦

一作紅

急管彊歡娛長舒羅袖不成

舞却向風前承淚珠

同前 朱光弼

魏王銅雀妓日暮管弦清一見西陵樹悲心舞不成

同前 朱放

恨唱歌聲咽愁翻舞袖遲西陵日欲暮是妾斷腸時

同前 僧皎然

彊開尊酒向陵看憶得君王舊日歡不覺餘歌悲自斷
非關豔曲轉聲難

雀臺怨 馬戴

魏宮歌舞地蝶戲鳥還鳴玉座人難到銅臺雨滴平西陵樹不見漳浦草空生萬恨盡埋此徒懸千載名

同前

程氏長文

君王去後行人絕簫竽

集作
箏

不響歌喉咽雄劍無威光彩

沈寶琴零落金星滅玉階寂寂墜秋露月照當時歌舞處當時歌舞人不迴化為今日西陵灰

置酒行

李益

置酒命所歡憑觴遂為戚日往不再來茲辰坐成昔百

齡非長久五十將半百胡為勞我形已鬚還復白西山

鷺鶴顧

集作羣

矯矯煙霧翮明霞發金丹陰洞潛水碧安得

凌風羽崦嵫駐靈魄兀

集作無

然坐衰老慙歎東陵柏

同前

陸龜蒙

落塵花片排香痕闌珊醉露棲愁魂洞庭波色惜不得
東風領入黃金尊千筠擲毫春譜大碧舞紅啼相唱和
安知寂寞西海頭青篴未垂孤鳳餓

長歌續短歌

李賀

長歌破衣襟短歌斷白髮秦王不可見旦夕成內熱渴
飲壺中酒飢拔隴頭粟淒淒四月蘭千里一時綠夜峰
何離離月明落石底裴回沿石尋照出高峰外不得與
之遊歌成鬢先改

猛虎行

儲光義

寒亦不憂雪飢亦不食人人血

集作肉

豈不甘所惡傷明神

太室為我宅孟門為我鄰百獸為我膳五龍為我賓蒙

馬一何威浮江亦

集作一

以仁綵章耀朝日牙爪雄武臣高

雲逐氣浮厚地隨聲振集作震君能賈餘勇日夕長相親

同前 李白

朝作猛虎行暮作猛虎吟腸斷非關隴頭水淚下不為

雍門琴旌旗

一作旌旗

繽紛兩河道戰鼓驚山欲傾

集作顛

倒秦人

半作燕地囚胡馬翻銜洛陽草一輸一失關下兵朝降

夕叛幽薊城巨鼇未斬海水動魚龍奔走安得寧頗似

楚漢時翻覆無定止朝過博浪沙暮入淮陰市張良未

遇韓信貧劉項存亡在兩臣暫到下邳受兵略來投漂

母作主人賢哲栖栖古如此今時亦棄青雲士有策不

敢犯龍鱗竄身南國避胡塵寶書長一作玉劒挂高閣金鞍

駿馬散故人昨日方為宣城客掣鈴交通二千石有時

六博快壯一作寸心繞牀三市呼一擲楚人每道張旭奇心

藏風雲世莫知三吳邦伯多一作皆顧盼四海雄俠皆相推

一作兩蕭曹曾作沛中吏攀龍附鳳當有時溧陽酒樓三

月春楊花漠漠一作茫茫愁殺人胡人集作離綠眼吹玉笛吳歌白

紵飛梁塵丈夫相見一作到處且為樂槌牛搗鼓會衆賓我從

此去釣東海得魚笑寄情相親

同前 韓愈

猛虎雖云惡亦各有匹儕羣行深谷間百獸望風低身

食黃熊父子食赤豹麋擇肉於熊羆集作豹骨視兔與狸正

晝當谷眠眼有百步威自矜無當對氣性縱以乖朝怒

殺其子暮還殮一作食其妃匹儕四散走猛虎還孤棲孤鳴

門四旁烏鵲從噪之出逐猴一作狻入居虎不知所歸誰云

猛虎惡中路正悲啼豹來銜其尾熊來攫其頤猛虎死

不辭但慙前所為虎坐無助死況如汝細微故當結以
信親當結以私親故且不保人誰信汝為

同前

張籍

南山北山樹冥冥猛虎白日繞林行向晚一身當道食
山中麋鹿盡無聲年年養子在深谷雌雄上山不相逐
谷中近窟有山村長向村家取黃犢五陵年少不敢射
空來林下看行跡

同前

李賀

長戈莫春疆

集作長

弩莫烹

集作抨

乳孫哺子教得生
擥舉頭為

城掉尾為旌東海黃公愁見夜行道逢騶虞牛哀不平
生何用尺刀壁上雷鳴泰山之下婦人哭聲官家有程
吏不敢聽

同前

僧齊已

磨爾牙錯爾爪狐莫威兔莫狡飢來吞噬取腸飽橫行
不怕日月明天產爾為生
擥前村半夜聞吼聲何人
按劍燈熒熒

君子行

僧齊己

聖人不生麟龍何瑞梧桐不高鳳皇何止吾聞古之有
君子行藏以時進退求己榮必為天下榮恥必為天下
恥苟進不如此集有是不
如此四字亦何必用虛偽之文章取榮名
而自美

燕歌行

高適

漢家煙塵在東北漢將辭家破殘賊男兒本自重橫行
天子非常賜顏色擬金伐鼓下榆關旌旗逶迤碣石間

校尉羽書飛瀚海，單于獵火照狼山。
山川蕭條極邊土，胡騎憑凌雜風雨。
戰士軍前半死生，美人帳下猶歌舞。

大漠窮秋寒草衰

集作排

孤城落日鬪兵稀，身當恩遇常

集作恒

輕敵力盡關山未解圍，鐵衣遠戍辛勤久。
玉箸應啼別

離後少婦城南欲斷腸，征人薊北空回首。
邊風飄飄

集作颼

那可度絕域，蒼茫更何

一作無辭

有殺氣。三日

集作時

作陣，雲寒聲

一夜傳刁斗。相看白刃血紛紛，死節從來豈顧勲。
君不

見沙場征戰苦，至今猶憶李將軍。

同前

賈至

國之重鎮惟幽都東威九夷制北

集作北制

胡五軍精卒三十

萬百戰百勝擒單于前臨滹池後沮

集作易

水崇山沃野亘

千里昔時燕王重賢士黃金築臺從隗始倏忽興王定

薊丘漢家又以封王侯蕭條魏晉為橫流鮮卑竊據朝

五州我唐區夏餘十紀軍容武備赫萬祀彤弓黃鉞授

元帥墾耕太漠為內地季秋膠折邊草腓治兵羽獵因

出師千營萬隊連旌旗望之如火忽雷

一作電

馳匈奴懾竄

窮髮北大荒萬里無塵飛

此下集有君不見三字

隋家昔為天下宰窮

兵黷武征遼海南風不競多死聲鼓臥旗折黃雲橫六

軍將士皆死盡戰馬空鞍歸故營時遷

集作移

道革天下平

白環入貢滄海清自有農夫已高枕無勞校尉重橫行

同前

陶翰

請君留楚調聽我吟燕歌家在遼水頭邊風意氣多出
身為漢將正值戎未和雪中凌天山冰上渡交河大小
百餘戰封侯竟蹉跎歸來霸陵下故舊無相過雄劍委

塵匣空門唯

集作垂

雀羅玉簪還趙女寶瑟付齊娥昔日不

為樂時哉今柰何

從軍行二首

虞世南

塗山烽候驚弭節度龍城冀馬樓蘭將燕犀上谷兵
劍寒花不落弓曉月逾明凜凜嚴霜節冰壯黃河絕蔽日
卷征蓬浮天散飛雪全兵值月滿精騎乘膠折結髮早
驅馳辛苦事旌麾馬凍重關冷輪摧九折危獨有西山
將年年屬數奇

燿一作
烽

火發金微連營出武威孤城寒雲起絕陣虜塵飛

俠客吸龍劍惡少縵胡衣朝摩骨都壘夜解谷蠡圍蕭

關遠無極蒲海廣難依沙磴離旌斷晴川候馬歸交河

梁已畢燕山旆欲飛

集作
揮

方知萬里相候服有光輝

同前

駱賓王

平生一顧念

一作
重

意氣溢三軍野日分戈影天星合劍文

弓弦抱漢月馬足踐胡塵不求生入塞唯當死報君

同前

劉希夷

秋來

集作天

風瑟瑟

集作颯颯

羣馬胡

集作胡馬

行疾嚴城晝不開伏兵暗

相失天子廟堂拜將軍玉

集作凶

門出紛紛伊洛間

集作道

戎馬

數千

集作幾萬

匹軍門壓黃河兵氣衝白日平生懷伏

集作仗

劍忼

慨既

集作即

投筆南登漢月孤北走燕

集作代

雲密近取韓彭計

早知孫吳術丈夫清萬里誰能埽一室

同前

喬知之

南庭結白露北風埽黃葉此時鴻雁來驚鳴催思妾曲
房理鍼線平碁擣文練駕綺裁易成龍鄉信難見窈窕

九重閨寂寞十年啼紗窗白雲宿羅幌月光棲雲月曉

集作微微愁思

集作

流黃機玉霜凍珠履金吹薄羅衣漢家

已得地君去將何事宛轉結蠶書寂寞無雁使生平荷
恩信本為容華進況復落紅顏蟬聲催綠鬢

同前

李願

白日登山望烽火昏黃

集作

飲馬傍交河行人刀斗風砂

暗公主琵琶幽怨多野營

集作

萬里無城郭雨雪紛紛連

大漠胡雁哀鳴夜夜飛胡兒眼淚雙雙落聞道玉門猶

被遮應將性命逐輕車
年年戰骨埋荒外
空見蒲萄入漢家

同前三首

李約

看圖閒教陣畫地
靜論邊烏壘
天西戍鷹姿
塞上川路長須集作唯算日集作月書遠每題年
無復生還望翻思未別前

柵高

集作壕

三面鬪箭盡
舉烽頻營柳和煙
暮關榆帶雪春

邊城多老將
磧路少歸人
點集作殺盡三集作金河卒年年添塞

塵

候火起雕城塵砂擁戰聲遊軍藏漢幟降騎說蕃情霜

降淝池

集作落
淝泥

淺秋深太白明嫖姚方虎視不覺請

集作
說添

兵

同前

戎昱

昔從李都尉雙鞬照馬蹄擒生黑山北殺敵黃雲西太
白沈虜地邊草復萋萋歸來邯鄲市百尺青樓梯感激

然諾重平生膽力齊芳筵暮歌發艷粉輕鬢低半醉

集作
酣

秋風起鐵騎門前嘶遠戍報烽火孤城嚴鼓輦揮鞭望

塵去少婦莫含啼

同前

厲玄

邊草早

集作早

不春劒花增濶

集作野

塵廣

集作戰

場收驥尾清漸怯

龍鱗帆色已歸越松聲厭避秦幾時逢范蠡處處是通津

同前二首

李白

從軍玉門道逐虜金微山笛奏梅花曲刀開明月環鼓聲鳴海上兵氣擁雲間願斬單于首長驅靜鐵關

百戰沙場碎鐵衣城南已合數重圍突營射殺呼延將
獨領殘兵千騎歸

同前 王維

吹角動行人喧喧行人起笳鳴集作悲馬嘶亂爭渡金河水

日暮沙漠垂戰聲煙塵裏盡繫名王頸歸來報集作獻天子

同前 王昌齡

向夕臨大荒朔風軫歸慮平沙萬里餘飛鳥宿何處虜
騎獵長原翩翩傍河去邊聲搖白草海氣生黃霧百戰

苦風塵十年履霜露雖投定遠筆未坐將軍樹早知行
路難悔不理章句

烽火城西百尺樓黃昏獨上海風秋更吹橫集作羌笛關山

月誰解集作無那金閨萬里愁

琵琶起舞換新聲總是關山舊別情撩亂邊愁彈集作聽不

盡高高秋月下長城

青海長雲暗雪山孤城遙望雁一作玉門關黃沙百戰穿金

甲不破樓蘭終不還

同前 盧綸

二十在邊城軍中得勇名卷旗收敗馬斷集作占磧擁殘兵

覆陣烏鳶起燒山草木明一作鳴塞閑思遠獵師老厭分營

雪嶺無人跡冰河足一作鳴雁聲李陵甘此沒惆悵漢公卿

同前六首 劉長卿

迴看虜騎合城下漢兵稀白刃兩相向黃雲愁不飛手

中無尺鐵徒欲突重圍

落日更蕭條北方

集作風

動枯草將軍追虜騎夜失山陰道

戰敗仍樹勲韓彭但空老

草枯秋塞上望見漁陽郭胡馬嘶一聲漢兵淚雙落誰

為吮癰

集作瘡

者此事令人薄

目極雁門道青青邊草春一身事征戰匹馬同辛勤

集作苦辛

末路成白首功歸天下人

倚劍白日暮望鄉登戍樓北風吹羌笛此夜關山愁迴

首不無意滹河空自流

黃沙一萬里白首無人憐報國劍已折歸鄉身幸全單

于古臺下邊色寒蒼然

同前

杜顧

秋草馬蹄輕角弓持弦急去為龍城候正值胡兵襲軍

氣橫大荒戰酣日將入長風金鼓動白霧

集作露

鐵衣溼四

起愁邊聲南轅時佇立斷蓬孤自轉寒雁飛相及萬里

雲沙漲路平

集作平川

冰霰澀

集作溢

夜聞漢使歸獨向刀環泣

同前

僧皎然

候騎出紛紛元戎霍冠軍漢鞞秋聒地羌火晝燒雲萬

里戍城合三邊羽檄分烏孫驅未盡骨顧遼陽勲

漢旆拂丹霄漢軍新破遼紅塵驅鹵簿白羽擁嫖姚戰
苦軍猶樂功高將不驕至今丁令塞朔吹空蕭蕭

百萬逐呼韓頻年不解鞍兵屯絕漠暗馬飲濁河乾破
虜功未錄勞師力已殫須防肘腋下飛禍出無端

飛將下天來奇謀閫外裁水心龍劒動地肺雁山開望
氣燕師銳當鋒虜陣摧從今射鵬騎不敢過雲堆

黃紙君王詔青泥校尉書誓師張虎落選將擐犀渠霧

暗津浦集作蒲失天寒塞柳疎橫行十萬騎欲埽虜塵餘

同前

漢軍逐單于日沒處河曲浮雲道傍起行子車下宿槍

城圍鼓角氍毹帳依山谷馬上懸壺漿刀頭分頓集作頰肉來

時高堂上父母親結束回首一作面不見家風吹破衣服金

創生集作在肢節相與拔一作取箭鏃聞道西涼州家家婦人集作女

哭

同前 張祐

少年金紫就光輝直指邊城虎翼飛一卷旌

一作旌

收千騎

虜萬全身出百重圍黃雲斷塞尋鷹去白草連天射雁
歸白首漢廷刀筆吏丈夫功業本相依

同前五首

令狐楚

荒雞隔水啼汗馬逐風嘶終日隨旌旆何時罷鼓鼙
孤心眠夜雪滿眼是秋沙萬里猶防塞三年不見家
却望冰河闊前登雪嶺高征人幾多在又擬戰臨洮
胡風千里驚漢月五更明縱有還家夢猶聞出塞聲

暮雪連青海陰雲覆白山可憐班定遠出入玉門關

同前三首

王涯

旌

集作
戈

甲從軍久風雲識陣難今朝韓信計日下斬成安

燕頷多奇相狼頭敢犯邊寄言班定遠正是立功年

旄頭夜落捷書飛來奏金門著賜衣白馬將軍頻破敵
黃龍戍卒幾時歸

從軍有苦樂行

李益
魏王粲從軍行曰從軍有
苦樂但問所從誰因以為題也

勞者且勿

集作
莫

歌我欲送君觴從軍有苦樂此曲樂未央

僕本居

一作起集
作居在

隴上隴水斷人腸東過秦宮路宮路入咸

陽時逢漢帝出諫獵至長楊詎馳游俠窟非結少年場

一旦承嘉惠輕命

集作
身

重恩光秉筆參帷帟從軍至朔方

邊地多陰風草木自淒涼斷絕海雲去出沒胡沙長參

差引雁翼隱鱗騰軍裝劒文夜如水馬汗凍成霜俠氣

五都少矜功六郡良山河起目前睚眦死路傍北逐驅

獯虜西臨復舊疆昔還賦餘資今出乃贏糧一失攷夏

服我弓不再張寄言

集作
語

丈夫雄苦樂身自當

苦哉遠征人

鮑溶 晉陸機從軍行曰苦哉遠征人飄飄窮四遐宋顧延年從軍行曰苦哉遠征人畢

力幹時艱因以為題又有苦哉行遠征人皆出於從軍行也

征人歌古曲攜手上河梁李陵死別處杳

集作

杳玄冥鄉

憶昔從此路連年征鬼方久行迷漢歷三洗

集作死

殪衣裳

百戰身且在微功信難忘遠承雲臺議非勢孰敢當落

日弔李廣白身

集作首

過河陽閒弓失月影勞劒無龍光去

日始束髮今來髮成霜虛名乃閒事生見父母鄉掩抑

大風歌裏回少年場誠哉古人言烏盡良弓藏

苦哉行五首

戎昱

卷十九

彼鼠侵我廚縱狸授梁肉鼠雖為君却狸食自須足
冀雪大國恥翻是大國辱羶腥逼綺羅輒瓦雜珠玉登樓
非騁望目笑是心哭何意天樂中至今奏胡曲

官軍收洛陽家住洛陽里夫壻與兄弟目前見傷死吞
聲不許哭還遣衣羅綺上馬隨匈奴數秋黃塵裏生為
名家女死作塞垣鬼鄉國無還期天津哭流水

登樓望天衢目極淚盈睫彊笑無笑容須妝舊花靨昔

年買奴僕奴僕來碎葉豈意未死間自為匈奴妾一生
忽至此萬事痛苦業得出塞垣飛不如彼蠶蝶

妾家青河邊七葉承貂蟬身為最小女偏得渾家憐親
戚不相識幽閨十五年有時最遠出祇到中門前前年
狂胡來懼死翻生全今秋官軍至豈意遭戈鋌匈奴為
先鋒長鼻黃髮拳彎弓獵生人百步牛羊羶脫身落虎
口不及歸黃泉苦哉難重陳暗哭蒼蒼天

可汗奉親詔今月歸燕山忽如亂刀劍攬妾心腸間出

戶望北荒迢迢玉門關生人為死別有去無時還漢月
割妾心胡風凋妾顏去去斷絕魂叫天天不聞

鞠歌行

李白

玉不自言如桃李魚目笑之卞和恥楚國青蠅何太多
連城白壁遭讒毀荆山長號泣血人忠臣死為刖足鬼
聽曲知甯戚奚吾因小妻秦穆五羊皮買死百里奚洗
拂青雲上當時賤如泥朝歌鼓刀叟虎變蟠溪中一舉
釣六合遂荒營丘東平生渭水曲誰識一作數此老翁奈何

今之人雙目送征一作老鴻


御定全唐詩卷十九

謹案第一頁前五行其器有笙笛節鼓琴瑟琵琶
箏七種刊本鼓訛歌據唐書改

第三十八頁後五行總是闕山舊別情按龍標集

舊作離





總校官庶吉士

臣

張能照

校對官檢討

臣

龔大萬

謄錄監生

臣

朱懷玉

欽定四庫全書薈要

集部

御定全唐詩卷二十



欽定四庫全書薈要卷一萬七千四百二十五集部

御定全唐詩卷二十

相和歌辭

前苦寒行二首

杜甫 以後竝清調曲其器有笙笛下聲弄高弄遊弄箎節琴

瑟箏琵琶八種歌弦四弦

漢時長安雪一丈牛馬毛寒縮如蝟楚江巫峽冰入懷
虎豹哀號又堪記秦城老翁荆揚客慣習炎蒸歲締綌
玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮
寒刮肌膚北風利楚人四時皆麻衣楚天萬里無晶輝
三足之鳥足恐斷羲和送將安

集作何

所歸

後苦寒行二首

杜甫

南紀巫廬瘴不絕太古以來無尺雪蠻夷長老怨苦寒
崑崙天關凍應折玄猿口噤不能嘯白鵠翅垂眼流血
安得春泥補地裂

晚來江門失大木猛風中夜吹白屋天兵斷斬

集作斬斷

青

海戎殺氣南行動坤軸不爾苦寒何太酷巴東之峽生
凌斯彼蒼迴軒人得知

苦寒行

劉駕

嚴寒動八荒

集作刺刺

無休時陽鳥不自暖雪壓扶桑

枝歲暮寒益壯青春安得歸朔雁到南海越禽何處飛
誰言貧士歎不為身無衣

同前

僧貫休

北風北風職何嚴毒摧壯士心縮金鳥足凍雲囂蹢躅礙

雪一片下不得聲繞枯桑根在沙塞黃河徹底頑直到
海一氣搏束萬物無態唯有吾庭前杉松樹枝枝健
在

同前

僧齊已

冰峰撐空寒矗矗雲凝水凍埋海陸殺物之性傷人之
慾既不能斷絕蒺藜荆棘之根株又不能展鳳皇麒麟
之拳跼如此則何如為和煦為膏雨自然天下之榮枯
融融於萬戶

北上行

李白

北上何所苦
北上緣太行
磴道盤且峻
巉巖凌穹蒼
馬足蹶側石
車輪摧高岡
沙塵接幽州
烽火連朔方
殺氣毒劍戟
嚴風裂衣裳
奔鯨夾黃河
鑿齒屯洛陽
前行無歸日
返顧思舊鄉
慘戚冰雪裏
悲號絕中腸
尺布不掩體
皮膚劇枯桑
汲水澗谷阻
采薪隴坂長
猛虎又掉尾
磨牙皓秋霜
草木不可漚
飢飲零露漿
歎此北上苦
停驂為之傷
何日王道平
開顏覩天光

豫章行

李白

胡風吹代馬

一作燕人攢赤月

北擁魯陽關吳兵照海雪西討

何時還半渡上遼津黃雲慘無顏老母與子別呼天野

草間白馬

一作百鳥

繞旌旗悲鳴相追攀白楊秋月苦早落

豫章山本為休明人斬虜素不閑豈惜戰鬪死為君埽

兇頑精感石沒羽豈忘

集作云

憚險艱樓船若鯨飛波蕩

落星灣此曲不可奏三軍鬢成斑

董逃行

元稹

董逃董逃董卓逃
措鏗戈甲聲勞嘈
剜剜深臍脂燄燄
人皆數歎曰爾獨不憶年年取我身上膏膏銷骨盡煙
火死長安城中賊毛起城門四走公卿士走勸劉虞作
天子劉虞不敢作天子曹瞞篡亂從此始董逃董逃人
莫喜勝負翻一作相環相枕倚縫綴難成裁破易何況曲
鍼不能伸巧指欲學裁縫須準擬

同前

張籍

洛陽城頭火曠曠亂兵燒我天子宫宮城南面有深山

盡將老幼藏其間重巖為屋椽為食丁男夜行候消息
聞道官軍猶掠人舊里如今歸未得董逃行漢家幾時
重太平

相逢行

崔顥

妾年初二八家住洛橋頭玉戶臨馳道朱門近御溝使
君何假問夫壻大長秋女弟新承寵諸兄近拜侯春生
百子殿花發五城樓出入千門裏年年樂未休

同前二首

李白

朝騎五花馬謁帝出銀臺秀色誰家子雲車

一作中

珠箔

開金鞭遥指點玉勒近遲回夾轂相偕問疑

一作知

從天

上來憐腸愁欲斷斜日復相催下車何輕盈飄然似落

梅

集無此四句

邀

集作感

入青綺門

一作嬌羞初解珮

當歌

一作語笑

共銜

杯銜杯映歌扇似月雲中見相見不相親不如不相見

相見情已深未語可知心胡為守空閨孤眠愁錦衾錦

衾與羅幃纏繚會有時春風正澹蕩

一作糾結

暮雨

一作青鳥

來

何遲願因三青鳥更報長相思光景不待人須臾髮成

絲當年失行樂老去徒傷悲持此道密意無令曠佳期
相逢紅塵內高揖黃金鞭萬戶垂楊裏君家阿那邊

同前

韋應物

二十登漢朝英聲邁今古適從東方來又欲謁明主猶
酣新豐酒尚帶霸陵雨邂逅兩相逢別來間集作問寒暑

寧知白日晚暫向花間語忽聞長樂鐘走馬東西去

三婦豔詩

董思恭

大婦裁紈素中婦弄明璫小婦多姿態登樓紅粉妝丈

人且安坐初日漸流光

中婦織流黃

虞世南

寒閨織素錦含怨斂雙蛾
綜新交縷澀經脆斷絲多
衣香逐舉袖釧動應鳴梭
還恐裁縫罷無信達交河

難忘曲

李賀

夾道開洞門弱楊低畫戟
簾影竹葉

集作華

起簫聲吹日

色蠶語繞妝鏡拂蛾學春碧
亂繫丁香梢滿闌花向夕

塘上行

李賀

藕花涼露溼花缺藕根溼飛下雌鴛鴦塘水聲溢溢

集作

溼溼

苦辛行

戎昱

且莫奏短歌聽余苦辛詞如今刀筆士不及屠酤兒少
年無事學詩賦豈意文章復相誤東西南北少知音終
年竟歲悲行路仰面訴天天不聞低頭告地地不言天
地生我尚如此陌上他人何足論誰謂西江深涉之固
無憂誰謂南山高可以登之遊險巇惟有世間路一嚮

令人堪白頭貴人立意不可測等閒桃李成荊棘風塵
之士深可親心如雞犬能依人悲來却憶漢天子不棄
相如家舊貧

此下集有勸君且三字

飲酒酒能散羈愁誰家有酒

判一醉萬事從他江水流

秋胡行

高適

妾本邯鄲未嫁時容華倚翠人未知一朝結髮從君子
將妾迢迢東路陞時逢大道無難阻君方遊宦從陳汝

蕙樓獨卧頻度春彩落

集作閣

辭君幾徂暑三月垂楊蠶

未眠攜籠結侶南陌邊道逢行子不相識贈妾黃金買

少年妾家夫壻輕離久寸心誓與長相守願言行路莫

多情送

集作道

妾貞心在人口日暮蠶飢相命歸攜籠端

飾來庭闈勞心苦力終無恨所冀君恩那

集作即

可依聞

說行人已歸止乃是向來贈金子相看顏色不復言相

顧懷慙有何已從來自隱無疑背直為君情也相會如

何咫尺仍有情況復迢迢千里外此時

集作誓將

顧恩不顧

身念君此日赴河津莫道向來不得意故欲留規誡後

人

善哉行

僧貫休 以後竝瑟調曲其器有笙
笛節琴瑟箏琵琶七種歌弦六部

有美一人兮婉如清揚識曲別音兮令姿煌煌繡袂捧
琴兮登君子堂如彼萱草兮使我憂忘欲贈之以紫玉
尺白銀璫久不見之兮湘水茫茫

同前 僧齊已

大鵬刷翮謝溟渤青雲萬層高突出下視秋濤空渺瀰
舊處魚龍皆細物人生在世何容易眼濁心昏信生死

願除嗜慾待身輕攜手同尋列仙事

來日大難

李白

來日一身攜糧負薪道長食盡苦口焦脣今日醉飽樂
過千春仙人相存誘我遠學海陵三山陸憩五嶽乘龍
上三集無此二字天飛目瞻兩角授以神集作仙藥金丹滿握
螭蛄蒙恩深媿短促思填東海彊銜一木道重天地軒
師廣成蟬翼九五以求長生下士大笑如蒼蠅聲

當來日大難

元稹

當來日大難行前有坂後有坑大梁側小梁傾兩軸相
絞兩輪相撐大牛豎小牛橫烏啄牛背足跌力寧當來
日大難行太行雖險險可使平輪軸自撓牽制不停泥
潦漸久荆棘旋生行必不得不如不行

隴西行

王維

十里一走馬五里一揚鞭都護軍書至匈奴圍酒泉關
山正飛雪烽戍斷無煙

同前

耿緯

雪下陽關路人稀隴成頭封狐猶未翦邊將豈無羞白
草三冬色黃雲萬里愁因思李都尉畢竟不封侯

同前

長孫佐輔

陰雲凝朔氣隴上正飛雪四月草不生北風勁如切朝
來羽書急夜救長城窟道隘行不前相呼抱鞍歇人寒
指欲墮馬凍蹄亦裂射雁旋充飢斧冰還止渴寧辭解
圍關但恐乘疲沒早晚

一作望

邊候空歸來養羸卒

東門行

柳宗元

漢家三十六將軍東方雷動橫陣雲雞鳴函谷客如霧
貌同心異不可數赤丸夜語飛電光微巡司隸眠如羊
當街一叱百吏走馮敬胸中函匕首兇徒側耳潛愜心
悍臣破膽皆杜口魏王卧內藏兵符子西掩袂真無辜
羌胡轂下一朝起敵國舟中非所擬安陵誰辨削礪工
韓國詎明深井里絕咽斷骨那下補萬金寵贈不如土

飲馬長城窟行

太宗皇帝

塞外悲風切交河冰已結瀚海百重波陰山千里雪迴

戍危烽火層巒引高節悠悠卷旆旌飲馬出長城寒沙
連騎迹朔吹斷邊聲胡塵清玉塞羌笛韻金鉦絕漠干
戈戢車徒振原隰都尉反龍堆將軍旋馬邑揚麾氛霧
靜紀石功名立荒裔一戎衣雲

集作靈

臺凱歌入

同前

虞世南

馳馬渡河干流深馬渡難前逢錦車使都護在樓蘭輕
騎猶銜勒疑兵尚解鞍溫池下絕澗棧道接危巒拓地
勲未賞亡城律詎

集作宣

寬有月闕猶暗經春隴尚寒雲

昏無復影冰合不聞湍懷君不可遇聊持報一餐

同前

秦朗

朔風動秋草清蹕長安道長城連不窮所以隔華戎規

模惟聖作荷負

集作
負荷

曉成功烏庭已向內龍荒更鑿空

玉關塵卷靜金微路已通湯征隨北怨舜詠起南風畫

野

集作
地

功初立綏邊事云集朝服踐狼居凱歌旋馬邑

山響傳鳳吹霜華藻瓊釵屬國擁節歸單于款關入日

落寒雲

集作
風

起驚沙

集作
蓬

被原隰零落葉已寒河流清

且急四時徭役盡千載干戈戢太平今若斯汗馬竟無
施惟當事筆研歸去草封禪

同前

王翰

長安少年無遠圖一生惟羨執金吾騏驎前殿拜天子
走馬為君西擊

集作西
擊長城

胡胡沙獵獵吹人面漢虜相逢

不相見遥聞鼙鼓動地來傳道單于夜猶戰此時顧恩

寧顧身為君一行摧萬人壯士揮戈回白日單于滅血

染朱輪回

集作
歸

來飲馬長城窟長安道傍多白骨問之

耆老何代人云是秦王築城卒黃昏塞北無人煙鬼哭
啾啾聲沸天無罪見誅功不賞孤魂流落此城邊當昔
秦王按劍起諸侯膝行不敢視富國彊兵二十年築怨
興徭九千里秦王築城何太愚天實亡秦非北胡一朝
禍起蕭牆內渭水咸陽不復都

同前

王建

長城窟長城窟邊多馬骨古來此地無井泉賴得秦家
築城卒征人飲馬愁不回長城變作望鄉堆蹄跡

集作
蹤

未乾人去近續後馬來泥汙盡枕弓睡著待水生不見
陰山在前陣馬蹄足脫裝馬頭健兒戰死誰封侯

同前

僧子蘭

游客長城下飲馬長城窟馬嘶聞水腥為浸征人骨豈
不是流泉終不成潺湲洗盡骨上土不洗骨中冤骨若
比流水四海有還魂空流嗚咽聲聲中疑是言

上留田

李白

行至上留田孤墳何崢嶸積此萬古恨春草不復生悲

風四邊來腸斷白楊聲借問誰家地埋沒蒿里塋古老
向余言言是上留田蓬科馬鬣今已平昔之弟死兄不
葬他人於此舉銘旌一鳥死百鳥鳴一獸死百獸驚桓
山之禽別離苦欲去迴翔不能征田氏倉卒骨肉分青
天白日摧紫荆交柯之木本同形東枝顛顛西枝榮無
心之物尚如此參商胡乃尋天兵孤竹延陵讓國揚名
高風緬邈積波激清尺布之謠塞耳不能聽

同前

僧貫休

父不父兄不兄上留田蝨賊生徒陟岡淚崢嶸我欲使
諸凡鳥雀盡變為鵲鴿我欲使諸凡草木盡變為田荆
鄰人歌鄰人歌古風清清風生

安樂宮

李賀

深一作漆

井桐烏起尚復牽清水未盥邵陵王

集作瓜

鉗中

弄長翠新城安樂宮宮如鳳皇翅歌迴蠟版鳴大綰

集作

左提壺使

一作伎

綠繁悲水曲茱萸別秋子

放歌行

王昌齡

南渡洛陽津西望十二樓明堂坐天子月朔朝諸侯清
樂動千門皇風被九州慶雲從東來決滸抱日流升平
貴論道文墨將何求有詔徵草澤微臣獻謀猷集作將
獻謀
冠冕如星羅拜揖曹與周望塵非吾事入賦且遲留幸
蒙國士識因脫負薪裘今者放歌行以慰梁父愁但營
數斗祿奉養母集作
每豐羞若得金膏遂飛雲亦可儔

野田黃雀行李白

遊莫逐炎洲翠棲莫近吳宮燕吳宮火起焚爾

集作
巢

窠

炎洲逐翠遭網羅蕭條兩翅蓬蒿下縱有鷹鷂柰若何

同前

儲光羲

嘖嘖野田雀不知軀體微閒穿深蒿裏爭食復爭飛窮
老一積舍棗多桑樹稀無棗猶可食無桑何以衣蕭條
空倉暮相引時來歸邪路豈不捷渚田豈不肥水長路
且壞惻惻與心違

同前

僧貫休

高樹風多吹爾巢落深蒿葉暖宜爾依薄莫近鴉類珠

集作
蛛

網亦惡飲野田之清水食野田之黃粟深花中睡

埽土裏浴如此即全勝啄太倉之穀而更穿人

集有
之字

屋

同前 僧齊已

雙雙野田雀上下同飲啄暖去棲蓬蒿寒歸傍籬落殷
勤避羅網乍可遇鵬鷃鵬鷃雖不仁分明在寥廓

雁門太守行 李賀

黑雲壓城城欲摧甲光向月

一作日

金鱗開角聲滿天秋

色裏塞上燕支凝夜紫半卷紅旗臨易水霜重鼓寒聲

一作聲寒不起報君黃金臺上意提攜玉龍為君死

同前

張祐

城頭月沒霜如水
趖趖蹋沙人似鬼
燈前拭淚試香裘
長引一聲殘漏子
駝囊瀉酒酒一杯
前頭噍集作滴血心
不回寄語年少妻
莫哀魚金虎竹
天上來雁門山
邊骨成灰

同前

莊南傑

旌旗閃閃搖天末
長笛橫吹虜塵闊
跨下嘶風白練獰

腰間切玉青蛇活，擊革撻金燧牛尾犬羊兵敗如山死。
九泉寂寞葬秋蟲，溼雲荒草啼秋思。

飛來雙白鶴

虞世南

飛來雙白鶴，奮翼遠凌煙。雙棲集紫蓋，一舉背青田。
颺影過伊洛，流聲入管弦。鳴羣倒景外，刷羽閭風前。
映海疑浮雪，拂澗瀉飛泉。燕雀寧知去，蜉蝣不識還。
何言別儔侶，從此間山川。顧步已相失，裴回反集作各自憐危心。
猶警露哀響，詎聞天無因。振六翮，輕舉復隨仙。

門有車馬客行 虞世南

財雄

集作陳遵

重交結戚里擅豪華曲臺臨上路高門

集作軒

抵狹斜赭汗千金馬繡轂五香車白鶴隨飛蓋朱鷺入

鳴笳夏蓮開劒水春桃發露

集作綬

花輕裙染回雪浮蟻

泛流霞

集無此二句

高談辨飛兔摘藻握靈蛇逢恩借羽翼

集作出毛羽

失路委泥沙曖曖風煙晚路長歸騎遠日斜青

瑣第塵飛金谷苑危弦促柱奏巴渝遺簪墮珥解羅襦

如何守直道翻使谷名愚

同前李白

門有車馬客金鞍曜朱輪謂從丹

一作雲

霄落乃是故鄉

親呼兒婦中堂坐客論悲辛對酒兩不飲停觴淚盈巾

歎我萬里遊飄飄

集作飄

三十春空談霸

集作帝

王略紫綬

不挂身雄劍藏玉匣陰符生素塵廓落無所合流離湘

水濱借問宗黨間多為泉下人生苦百戰役死託萬鬼

鄰北風揚胡沙埋翳周與秦大運且如此蒼穹寧匪仁

惻愴竟何道存亡任大鈞

蜀道難

張文琮

梁山鎮地險積石阻雲端深谷下寥廓層巖上鬱盤飛
梁架絕嶺棧道接危巒攬轡獨長息方知斯路難

同前

李白

噫吁噫危乎高哉蜀道之難難於上青天
巖叢及魚鼈開國何茫然爾來四萬八千歲
乃一作不與秦塞通人煙

西當太白有鳥道可以橫絕峨眉巖
巖地崩山摧壯士死

然後天梯石棧方

一作相

鉤連上有六龍迴日之高標

一作

橫河斷海
之浮雲

下有衝波逆折之迴川黃鶴之飛尚不得

一作

過猿猴欲度愁攀緣青泥何盤盤百步九折縈巖巒

參歷井仰脅息以手撫膺坐長歎問君西遊何時還畏

途巉巖不可攀但見悲鳥

一作鳴

號枯

一作古

木雄飛呼雌

一作雌從

繞林間又聞子規啼夜月愁空山蜀道之難難於

上青天使人聽此彫朱顏連峰去天不盈尺

一作幾千里

入煙

枯松倒挂倚絕壁飛湍瀑流相喧飗砅崖轉石萬壑雷

其嶮也若此嗟爾遠道之人胡為乎來哉劒閣崢嶸而

崔嵬一夫當關萬夫莫開所守或匪親一作人化為狼與

豺朝避猛虎夕避長蛇磨牙吮血殺人如麻錦城雖云

樂不如早還家蜀道之難難於上青天側身西望長咨

一作嗟
令人

擢歌行 駱賓王

寫月圖

集作

黃罷凌波拾翠通鏡花搖芟日衣麝入荷

風葉密舟難蕩蓮疎浦易空鳳媒羞自託鴛翼恨難窮

秋帳燈花翠倡樓粉色紅相思無別曲并在擢歌中

同前

徐堅

擢女飾銀鉤新妝下翠樓
霜絲青桂檝蘭棹紫霞舟
水落金陵曙風起洞庭秋
扣船過曲浦飛帆越回流
影入桃花浪香飄杜若洲
洲長殊未返蕭散雲霞晚
日下大江平煙生歸岸遠
岸遠聞潮波爭途遊戲多
因聲趙津女來聽采菱歌

胡無人行

徐彥伯

十月繁霜下征人遠鑿空雲搖錦更

集作車

節海照角端

弓暗磧埋砂樹衝飈卷塞蓬方隨膜拜入歌舞玉門中

同前

鼎夷中

男兒徇大義立節不沽名腰間懸陸離大歌胡無行不
讀戰國書不覽黃石經醉臥咸陽樓夢入受降城更願
生羽翼飛身入青冥請攜天子劍斫下旄頭星自然胡
無人雖有無戰爭悠哉典屬國驅羊老一生

同前

李白

嚴風吹霜海草彫筋幹精堅胡馬驕漢家戰士三十萬

將軍兼領

一作誰者

霍嫖姚流星白羽腰間插劒花秋蓮光

出匣天兵照雪下玉關虜箭如沙射金甲雲龍風虎盡

交迴太白入月敵可摧敵可摧旄頭滅履胡之腸涉胡

血懸胡青天上埋胡紫塞旁胡無人漢道昌陛下之壽

三千霜但歌大風雲飛揚安得猛士兮守四方胡無人

漢道昌

一本無此六字集無陛下之壽五句

同前 僧貫休

霍嫖姚趙充國天子將之平朔漠肉胡之肉燼胡帳幄

千里萬里惟留胡之空殼邊風蕭蕭榆葉初落殺氣晝
赤枯骨夜哭將軍既立殊勲遂有胡無人曲我聞之天
子富有四海德被無垠但令一物得所八表來賓亦何
必令彼胡無人

白頭吟

劉希夷 楚調曲其器有笙
笛弄節琴箏琵琶瑟七種

洛陽城東桃李花飛來飛去落誰家洛陽女兒惜顏色
行逢集作
坐見落花長歎息今年花落顏色改明年花開復

誰在已見松柏摧為薪更聞桑田變成海古人無復洛

城東今人還對落花風年年歲歲花相似歲歲年年人
不同寄言全盛紅顏子須集作應憐半死白頭翁此翁白

頭真可憐伊昔紅顏美少年公子王孫芳樹下清歌妙
舞落花前光祿池臺文集作開錦繡將軍樓閣畫神仙一

朝卧病無人識三春行樂在誰邊宛轉蛾眉能幾時須

臾白集作窈髮亂如絲但看舊集作古來歌舞地惟有黃昏

鳥雀悲

同前二首 李白

錦水東北流波蕩雙鴛鴦雄巢漢宮樹雌弄秦草芳寧
同萬死碎綺翼不忍雲間兩分張此時阿嬌正嬌妬獨

坐長門愁日暮但願君恩顧妾深豈惜黃金將買賦

一作

買詞賦

相如作賦得黃金丈夫好新多異心一朝將聘茂

陵女文君因贈

一作賦

白頭吟東流不作西歸水落花辭

條歸故林兔絲固無情隨風任顛倒誰使女蘿枝而來

彊縈抱兩草猶一心人心不如草莫卷龍須席從他生

網絲且留琥珀枕或有夢來時覆水再收豈滿杯棄妾

已去難重回古時得意不相負祇今惟見青陵臺

錦水東流碧波蕩雙鴛鴦雄巢漢宮樹雌弄秦草芳相
如去蜀謁武帝赤車駟馬生輝光一朝再覽大人作萬
乘忽欲凌雲翔聞道阿嬌失恩寵千金買賦要君王相
如不憶貧賤日官高金多聘私室茂陵妹子皆見求文
君歡愛從此畢淚如雙泉水行隨紫羅襪五起雞三唱
清晨白頭吟長吁不整綠雲鬢仰訴青天哀怨深城崩
杞梁妻誰道土無心東流不作西歸水落花辭枝羞故

林頭上玉燕釵是妾嫁時物贈君表相思羅袖幸時拂
莫卷龍須席從他生網絲且留琥珀枕還有夢來時鸛
鵲表在錦屏上自君一挂無由披妾有秦樓鏡照心勝
照井願持照新人雙對可憐影覆水却收不滿杯相如
還謝文君回古來得意不相負祇今惟有青陵臺

同前

張籍

請君膝上琴彈我白頭吟憶昔君前嬌笑語兩情宛轉
如縈素宮中為我起高樓更開華池種芳樹春天百草

秋始衰棄我不待白頭時羅襦玉珥色未暗今朝已道
不相宜揚州青銅作明鏡暗中持照不見影人心回互
自無窮眼前好惡那能定君恩已去若再返菖蒲花生
集作月長滿

開

反白頭吟

白居易

鮑照作白頭吟
居易反其致為反白頭吟

炎炎者烈火營營者小蠅火不熱真玉蠅不點清冰此

苟無所受彼莫能相仍乃知物性中各有能不能古稱

怨報

集作

死則人有所懲懲淫或應可在道未為弘壁言

如蜩鷗徒啾啾，
龍鵬宜當委之去。
寥廓高飛騰，豈能
泥塵下。
區區酬怨憎，胡為坐自苦。
吞悲仍撫膺。

決絕調三首

元稹

乍可為天上牽牛織女星，
不願為庭前紅槿枝。
七月七日一相見，
故心終不移。
那能朝開暮飛去，
一任東西南北吹。
分不兩相守，恨不兩相思。
對面且如此，背面當何知。
春風撩亂伯勞語，
此下集有況是二字此時拋去時握手。
苦相問竟不言，後期君情既決絕。
妾意已參差，
借如死生別。

安得長苦悲

噫春冰之將泮何余懷之獨結有美一人於焉曠絕一日不見比一日於三年況三年之曠別水得風兮小而已波筍在苞兮高不見節矧桃李之當春競衆人之

集作

而攀折我自顧悠悠而若雲又安能保君皓皓

集作皚皚

之

如雪感破鏡之分明覩淚痕之餘血幸他人之既不我先又安能使他人之終不我奪已焉哉織女別黃姑一年一度暫相見彼此隔河何事無

夜夜相抱眠幽懷尚沉結那堪一年事長遣一宵說但

感久相思何暇暫相悅虹橋薄夜成龍駕侵晨列生憎

野鵲往

集作
雀性

遲回死恨天鷄識時節曙色漸瞳矓

集作
瞳

華星次

集作
欲

明滅一去又一年一年何時

一作
可

徹有此

迢遞期不如生死

集作
死生

別天公隔是妬相憐何不便教

相決絕

梁甫吟

李白

長嘯梁甫吟何時見陽春君不見朝歌屠叟辭棘津八

十西來釣渭濱寧羞白髮照淥

集作清

水逢時吐

一作壯

氣

思經綸廣張三千六百鈞風雅暗與文王親大賢虎變
愚不測當年頗似尋常人君不見高陽酒徒起草中長

揖山東隆準公入門不拜

一作開說

騁雄辨兩女輟洗來趨

風東下齊城七十二指麾楚漢如旋蓬狂生落拓尚如

此何況壯士當羣雄我欲攀龍見明主雷公砰訇震天

鼓帝旁投壺多玉女三時大笑開電光倏爍晦冥起風

雨閭闔九門不可通以額叩闕閭者怒白日不照吾精

誠杞國無事憂天傾軼踰磨牙競人肉騶虞不折生草
莖手接飛猱搏彫虎側足焦原未言苦智者可卷愚者
豪世人見我輕鴻毛力排南山三壯士齊相殺之費二
挑吳楚弄兵無劇孟亞夫咤爾為徒勞梁父吟梁父吟
聲正悲張公兩龍劍神物合有時風雲感會起屠釣大
人峴岿當安之

東武吟

李白

好古笑流俗素聞賢達風方希佐明主長揖辭成功白

日在高天回光燭微躬恭承鳳皇詔歛起雲蘿中清切
紫霄迴優游丹禁通君王賜顏色聲價凌煙虹乘輿擁
翠蓋扈從金城東寶馬麗絕景錦衣入新豐倚巖望松
雪對酒鳴絲桐因學揚子雲獻賦甘泉宮天書美片善
清芬播無窮歸來入咸陽談笑皆王公一朝去金馬飄
落成飛蓬賓友集作客日疎散玉尊亦已空才力猶可倚
一作侍不慙世上雄間作東武吟曲盡情未終書此謝知

已吾尋黃綺翁

一作扁舟
尋釣翁

怨詩二首 薛奇童

日晚梧桐落微寒入禁垣月懸三雀觀霜度萬秋門
豔舞矜新寵愁容泣舊恩不堪深殿裏簾外欲黃昏

禁苑春風起流鶯繞合歡玉窗通日氣珠箔卷輕寒楊

葉垂金

一作陰

砌梨花入井闌君王好長袖新作舞衣寬

同前 張法

去年離別雁初歸今夜裁縫螢已飛征客去

集作近

來音

信斷不知何處寄寒衣

同前 劉元濟

玉關芳信斷蘭閨錦字新
愁來好自抑念切已含頻
虛牖風驚夢空牀月厭人
歸期儻可促勿度柳園春

同前三首 李暇

羅敷初總髻蕙芳正嬌小
月落始歸船春眠恒著曉
何處期郎遊小苑花臺間
相憶不可見且復乘月還
別來花照路別後露垂葉
歌舞須及時如何坐悲妾

同前二首 崔國輔

樓前桃李疎池上芙蓉落織錦猶未成蟲聲入羅幕
妾有羅衣裳秦王在時作為舞春風多秋來不堪著

同前

孟郊

試妾與君淚兩處滴池水看取芙蓉花今年為誰死

同前

劉義

君莫嫌醜婦醜婦死守貞山頭一怪石長作望夫名鳥
有竝翼飛獸有比肩行丈夫不立義豈如鳥獸情

同前

鮑溶

女蘿寄松柏

集作青松

綠蔓花絲絲三五定君婚結髮早移

天肅肅羊雁禮泠泠琴瑟篇恭承采繁祀敢效同居

集作

車

賢皎日不留景良時

集作辰

如逝川秋

集作愁

心還遺

集作

忽移愛春貌無歸妍翠袖洗朱

集作皓硃

粉碧階對綺

集作綠錢

新人易如玉廢瑟難為弦寄羨

集作謝

薜華木榮名香閣

前豈無搖落苦貴與根蒂連希君舊光景照妾薄暮年

同前 白居易

奪寵心那慣尋思倚殿門不知移舊愛何處作新恩

同前二首

姚氏月華

春水悠悠春草綠對此思君淚相續
羞將離恨向東風
理盡秦箏不成曲

與君形影分胡越玉枕終年對離別
登臺北望煙雨深
回身泣向寥天月

怨歌行

虞世南

紫殿秋風冷彫甍白

集作落

日沈裁紈悽斷曲織素別離

心掖庭羞改畫長門不惜金寵移恩稍薄情疎恨轉深

香銷翠羽帳弦斷鳳皇琴鏡前紅粉歇階上綠苔侵誰
言掩歌扇翻作白頭吟

同前

李白

十五入漢宮花顏笑春紅君王選玉色侍寢金屏

一作錦

中薦枕嬌夕月卷衣戀春風寧知趙飛燕奪寵恨

一作香

無窮沈憂能傷人綠鬢成霜蓬一朝不得意世事徒為

空鷗鷺換美酒舞衣罷雕籠寒苦不忍言為君奏絲桐

腸斷弦亦絕悲心夜忡忡

同前

吳少微此詩中有逸句

城南有怨婦含怨倚蘭

集作傍芳

叢自謂二八時歌舞入漢

宮皇恩弄幸玉堂中

集作皇恩數流盼承幸玉堂中

綠陌

集作柏

黃花催

夜酒錦衣羅袂逐春風建章西宮煥若神燕趙美女二

集作

千人君王厭德不忘新況羣豔冶紛來陳是時別

三

君不再見三十三春長信殿長信重門晝掩闕清房曉

帳幽且閑綺窗蟲網氛塵色文軒鶯對桃李顏天王貴

宮不貯老浩然淚隕

集作含淚

今來還自憐

集有春色二字

轉晚暮

試逐佳遊芳草路小腰麗女奪人奇金鞍少年曾不顧
歸來誰為夫請謝西家婦莫辭先醉解羅襦

明月照高樓

雍陶

朗月何高高樓中簾影寒一婦獨含歎四坐誰成歡時
節屢已移遊旅杳不還滄溟倘未涸妾淚終不乾君若
無定雲妾若不動山雲行出山易山逐雲去難願為邊
塞塵因風委君顏君顏良洗多盪妾濁水間

長門怨

徐賢妃

舊愛柏梁臺新寵昭陽殿守分辭方

集作芳

輦含情泣團

扇一朝歌舞榮夙昔詩書賤積恩誠已矣覆水難重薦

同前

沈佺期

月皎風泠泠長門次掖庭玉階聞墜葉羅幌見飛螢清
露凝珠綴流塵下翠屏妾心君未察愁歎劇繁星

同前

吳少微

月出映曾城孤園上太清君王春

集作卷

愛歇枕席涼風

生怨咽不能寢踟躕步前楹空階白露色百草寒蟲鳴

念昔金房裏猶嫌玉座輕如何嬌所誤長夜泣恩情

同前

張脩之

長門落景盡洞房秋月明玉階草露積金屋網塵生妾
妬今應改君恩昔未平寄語臨邛客何時作賦成

同前

裴交泰

自閉長門經幾秋羅衣溼盡淚還流一種蛾眉明月夜
南宮歌管北宮愁

同前

劉阜

宮殿沈沈月欲分
昭陽更漏不堪聞
珊瑚枕上千行淚
不是思君是恨君

同前

袁暉

早知君愛歇
本自無縈妬
誰使恩情深
今來反相誤
愁眠羅帳曉
泣坐金閨暮
獨有夢中魂
猶言意如故

同前

劉言史

獨坐爐邊結夜愁
暫時思

集作思

去亦難留

一作收

手持金

箸垂紅淚亂撥寒灰不舉頭

同前二首

李白

天回北斗挂西樓，金屋無人螢火流。
月光欲到長門殿，別作深宮一段愁。

桂殿長愁不記春，黃金四屋起秋塵。
夜懸明鏡青天上，獨照長門宮裏人。

同前

李華

弱體鴛鴦薦薦啼，妝翡翠衾鷄鳴秋殿曉。
人靜禁門深，每憶椒房寵。那堪永巷陰，日驚羅帶緩。
非復舊來心。

同前

岑參

君王嬾妾妬，閉妾在長門。
舞袖垂新寵，愁眉結舊恩。
綠錢生履跡，紅粉溼啼痕。
羞被桃花笑，看春獨不言。

同前

齊濟

瑩瑩孤思逼寂寂，長門夕妾妬亦非。
深君恩那不惜，攜琴就玉階。
調悲聲未諧，將心託明月。
流影入君懷。

同前

劉長卿

何事長門閉珠簾，只自垂月移深殿。
早春向後宮遲蕙。

草生閒地梨花發舊枝芳菲自恩幸看却

集作著

被風吹

同前 僧皎然

春風日日閉長門搖蕩春心自

集作似

夢魂若遣花開只

笑妾不如桃李正無言

同前 盧綸

空宮

集作空

古廊殿寒月照斜暉卧聽未央曲滿箱歌舞

衣

同前 戴叔倫

自憶專房寵曾居第一流移恩向何

集作他

處暫妬不容

收夜久絲管

集作靜管弦

絕月明宮殿秋空將舊時意長望

鳳皇樓

同前

劉駕

御泉長繞鳳皇樓只是恩波別處流閑揲舞衣歸未得
夜來砧杵六宮秋

同前二首

高蟾

天上何勞萬古春君前誰是百年人魂銷尚媿金爐燼

思起猶慙玉輦塵煙翠薄情攀不得星芒浮豔采無因
可憐明鏡來相向何似恩光朝夕新

天上鳳皇休寄夢人間鸚鵡舊堪悲平生心緒無人識
一隻金梭萬丈絲

同前

張祐

日映宮牆柳色寒笙歌遙指碧雲端珠鉛滴盡無心語
彊把花枝冷笑看

同前二首

鄭谷

金
卷二十
閑把羅衣泣鳳皇先朝曾教舞霓裳春來却羨庭花落
得逐晴風出禁牆

流水君恩共不回杏花爭忍埽成堆殘春未必多煙雨
淚滴閑階長綠苔

同前二首

劉氏媛

雨滴梧桐秋夜長愁心和雨到昭陽淚痕不學君恩斷
拭却千行更萬行

學畫蛾眉獨出羣當時人道便承恩經年不見君王面

花落黃昏空掩門

阿嬌怨

劉禹錫

望見歲華舉翠華試開金屋埽庭花
須臾宮女傳來信

云

一作言

幸平陽公主家

班婕妤

徐彥伯

君恩忽斷絕妾思終未央
巾櫛不可見枕席空餘香
窗暗網羅白階秋苔蘚黃
應門寂已閉流涕向昭陽

同前

嚴識玄

賤妾如桃李君王若歲時秋風一已勁搖落不勝悲寂
寂蒼苔滿沈沈綠草滋榮一作華非此日指輦競何辭

同前三首

王維

玉窗螢影度金殿人聲絕秋夜守羅幃孤燈耿不滅
宮殿生秋草君王恩幸疎那堪聞鳳吹門外度金輿
怪來妝閣閉朝夜不相迎總向春園裏花間語笑聲

健仔怨

崔湜

不分君恩斷新妝視鏡中容華尚春日嬌愛已秋風枕

席臨窗曉幃屏向月空年年後庭樹榮落在深宮

同前

崔國輔

長信宮中草年年愁處生故侵珠履跡不使玉階行

同前

張烜

賤妾裁紈扇初搖明月姿君王看舞席坐起秋風時玉樹清御路金陳翳垂絲昭陽無分理愁寂任前期

同前

劉方平

夕殿別君王宮深月似霜人愁

集作幽

在長信螢出向昭

陽露裛紅蘭死

集作
溼

秋彫碧樹傷惟當合歡扇從此篋

中藏

同前 王沈

長信梨花暗欲棲應門上籀草萋萋春風吹花亂撲戶

班婕

集作
班絕

車聲不至啼

同前 皇甫冉

由來詠團扇今與值秋風事逐時皆往恩無日再中早
鴻聞上苑寒露下深宮顏色年年謝相如賦豈工

同前 陸龜蒙

妾貌非傾國君王忽然寵南山掌上來不及新恩重後
宮多窈窕日日學新聲一落君王耳南山又須輕

同前 翁綬

讒謗潛來起百憂朝承恩寵暮仇讐火燒白玉非因玷
霜翦紅蘭不待秋花落昭陽誰共輦月明長信獨登樓
繁華事逐東流水團扇悲歌萬古愁

同前 劉氏雲

君恩不可見妾豈如秋扇秋扇尚有時妾身永微賤莫
言朝花不復落嬌容幾奪昭陽殿

長信怨

王諲

飛燕倚身輕爭人巧笑名生君棄妾意增妾怨君情日
落昭陽殿秋來長信城寥寥金殿裏歌吹夜無聲

同前

王昌齡

金井梧桐秋葉黃珠簾不卷夜來霜金爐

集作
熏籠

玉枕無

顏色臥聽南宮

一作
宮中

清漏長

奉帚平明金殿開暫

集作且

將團扇共

集作暫

裊回玉顏不

及寒鴟色猶帶昭陽日影來

同前

李白

月皎昭陽殿霜清長信宮
天行乘玉輦飛燕與君同
更有留情處承恩樂未窮
誰憐團扇妾獨坐怨秋風

蛾眉怨

王翰

君不見宜春苑中九華殿
飛閣連連直如髮
白日金含
朱鳥窗流雲半入蒼龍闕
宮中綵女夜無事
學鳳吹簫

弄清越珠簾北卷待涼風繡戶南開向明月忽聞天子

憶蛾眉寶鳳銜花撲兩螭傳聲走馬開金屋夾路鳴環

上玉墀長樂彤庭宴華寢三千美人曳光

集作花

錦燈前

含笑更羅衣帳裏承恩薦瑤枕不意君心半路迴求仙

別作望仙臺倉琅

集作琳

禁闥遙相憶紫翠巖房畫不開

欲向人間種桃實先從海底覓蓬萊蓬萊可求不可上

孤舟縹緲知何往黃金作盤銅作莖晴

集作青

天白露掌

中擎王母嫣然感君意雲車雨旆欲相迎飛廉觀前空

怨慕少君何事須相誤一朝埋沒茂陵田賤妾蛾眉不
重顧宮車晚出向南山仙衛逶迤去不還朝晡泣對麒
麟樹樹下蒼苔日漸斑人生百年夜將半對酒長歌莫
長歎情集作知白日不可思一死一生何足算

玉階怨 李白

玉階生白露夜久侵羅襪却下水精簾玲瓏望秋月

宮怨 長孫佐輔

窗前好樹名玫瑰去年花落今年開無情春色尚識返

君心忽斷何時來憶昔妝成候仙仗宮瑣玲瓏日新上
拊心却笑西子嚙掩鼻誰憂鄭姬謗草染文章衣下履
花黏甲乙牀前帳三千玉貌休自誇十二金釵獨相向
盛衰傾奪欲何如嬌愛翻悲逐佞諛重遠豈能慙沼鵠
棄前方見泣船魚看籠不記熏龍腦詠扇空曾禿鼠須

始意

一作喜

類蘿新託柏終傷如薺却甘荼深院

集作深院

獨

開還獨閉鸚鵡驚飛苔覆地滿箱舊賜前日夜漬枕新
垂夜來淚痕多開鏡照還悲綠髻青蛾尚未衰莫道新

縑長絕比猶逢故劍會相追

同前

李益

露溼晴花宮

集作春

殿香月明歌吹在昭陽似將海水添

宮漏共滴長門一夜長

同前

于濇

妾家望江口少年家財厚臨江起珠樓不賣文君酒當年樂貞獨巢燕時為友父兄未許人畏妾事姑舅西牆鄰宋玉窺見妾睂宇一旦及天聰恩先生戶牖謂言入

漢宮富貴可長久君王縱有情不柰陳皇后誰憐頰似
桃孰知腰勝柳今日在長門從來不如醜

同前

柯崇

塵滿金爐不炷香黃昏獨立重廊笙歌何處承恩寵
一一隨風入上陽

長門槐柳半蕭疎玉輦沈思恨有餘紅淚旋銷傾國態
黃金誰為達相如

雜怨三首

鼎夷中

生在綺羅下，豈識漁陽道。良人自成來，夜夜夢中到。漁陽萬里遠，近於中門限。中門逾有時，漁陽常在眼。

良人昨日去，明日又不還。

一作明月又不圓

別時各有淚，零落

青樓前。

君淚濡羅巾，妾淚滴路塵。羅巾今在手，日得隨妾身。路塵如因飛，得上君車輪。

同前三首

孟郊

天桃花清晨遊，女紅粉新。天桃花薄暮遊，女紅粉故樹。

有百年

一作度

花人無一定顏花送人老盡人悲花自閒

貧女鏡不明寒花日少容暗蛩有虛織短線無長縫浪
水不可照狂夫不可從浪水多散影狂夫多異蹤持此

空成百

集作萬

恨濃

至悲至悲空自衰寄人莫翦衣翦衣未必歸朝

為雙

一作同

蒂花暮為四散飛花落却繞樹遊子不顧期

御定全唐詩卷二十



總校官庶吉士臣張能照

校對官檢討臣龔大萬

謄錄監生臣甄輔廷